

Bibël për fëmijët
paraqet

Ezekieli: Njeriu i Vizioneve



Shkruar nga: Edward Hughes
Ilustruar nga: Lazarus
Adaptuar nga: Ruth Klassen
Përkthyer nga: Arianit & Valbona Iljazi
Prodhuar nga: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2013 Bible for Children, Inc.


E drejta e kopjimit: Mund të bëni kopje ose ta shtypni këtë histori,
nëse nuk do ta shitni.




Shumë kohë më parë, ushtri të fuqishme e sulmuan
Judenë, duke i marrë shumë nga njerëzit e
Perëndisë, në Babiloni si robër.



Larg nga shtëpitë e tyre, Judenjtë jetonin në breg të lumit Kebar. Ndër ta ishte edhe shërbëtori i Perëndisë, profeti Ezekiel.




Një ditë, Perëndia i dha Ezekielit një vizion. Lavdia e Perëndisë u shfaq si një dritë shumë e fortë, në formën e katër krijesave të gjalla të llahtarshme. Secila kishte katër fytyra dhe katër krahë. Përmbi to ishte një fron në ngjyrë të kaltër safiri, i mbushur me dritë si ylber verbues.




Perëndia i foli Ezekielit. "Unë po të dërgoj tek
bijtë e Izraelit. Folu Fjalët e Mia atyre, sepse
janë rrebelë". Një dorë u shfaq,
duke mbajtur një rrotull. "Haje
këtë rrotull", tha Perëndia,
"dhe shko foli shtëpisë së
Izraelit". Çfarë urdhëri
i çuditshëm! Por
Ezekieli
u bind,
hëngri
rrotullin
dhe shkoi.



Fryma e Perëndisë e ngriti dhe e çoi Ezekielin në një pjesë tjetër të lumit Kebar ku disa Judenj të tjerë jetonin. Për shtatë ditë ai u ul ku uleshin edhe ata, i mahnitur nga ajo që pa. Pastaj Perëndia e bëri Ezekielin një roje. Ai duhet të paralajmëronte njerëzit e ligj, që të mos vazhdonin në pabindje ndaj Perëndisë.





Ezekieli bëri shumë gjëra të çuditshme për t'ja bërë njerëzve të qartë Fjalën e Perëndisë. Ai gërvishti hartën e Jerusalemit në një copë tulle prej argjile. Mbase njerëzit shikonin përmbi supet e tij ndërsa ai vizatonte figurat e ushtrive të fuqishme që rrethonin Jerusalemin. Ai po tregonte se qyteti i shenjtë i Perëndisë shumë shpejt do të shkatërrohej.





Izraeli, mbretëria veriore, nuk iu bind Perëndisë për 390 vjet, dhe Juda, mbretëria jugore, për 40 vjet. Kjo ishte arsyeja përse Izraeli ishte shkatërruar dhe Juda do të binte së shpejti. Perëndia i tha Ezekielit të qëndronte mbi ijën e tij të majtë për 390 ditë, pastaj mbi ijën e tij të djathtë për 40 ditë, për ti kujtuar njerëzit për vitet e



mëkateve të tyre.



Mbase njerëzit kishin filluar të mendonin se Ezeieli ishte një njeri shumë i çuditshëm. Ai bënte gjithçka që Perëndia e urdhëronte atë për të bërë. Një ditë, ai rruajti kokën e tij dhe dogji një të tretën e flokëve.



Kjo donte të tregonte se një e treta e njerëzve të Jerusalemit do të vdiste nga sëmundjet dhe zia e bukës, kur ushtria Babilonase do të sulmonte qytetin.



Ezekieli mori një të tretën tjetër të flokëve të tij dhe e bëri copa-copa me një shpatë. Kjo ishte për të treguar që një e treta tjetër e popullit do të vdiste nga shpata e armikut. Një të tretën e fundit, Ezekieli e shpërndau në erë. Por ai qepi pak nga fijet e flokëve të tij në mantelin e tij, si një shenjë se Perëndia do ti mbante disa nga njerëzit




e Tij të sigurtë dhe do ti kthente ata në vendin e Premtuar.




Ky profet trim, u tha Judenjve robër se gjërat do të bëheshin më keq, jo më mirë si ata shpresonin. Njerëzit u zemëruan me Ezekielin, por ai vazhdoi të fliste Fjalën e Perëndisë. Një ditë, ndërsa ai ish ulur me pleqtë e Izraelit, Perëndia i dha Ezekielit një vizion. Në vizion, Perëndia e ngriti atë nga flokët, dhe e çoi në tempull në Jerusalem.



Në Tempull, Perëndia i tregoi Ezekielit, zvarranikë, bisha të papastra, dhe idhuj. Këto kurrë nuk duhej të gjendeshin në tempullin e Perëndisë.




Drejtuesit po adhuronin këto në vend të Perëndisë.
Perëndia i tregoi gjithashtu Ezekieit, se Lavdia e
Tij po langohej nga Tempulli dhe ky i fundit do të
shkatërrohej. Kur vizioni mbaroi, Ezekieli i tregoi
Judenjve për të.





Çdo gjë që Perëndia tha u vërtetua. Jerusalemi u shkatërrua. Shumë njerëz vdiqën. Kur Judednjtë që ishin robër në Babiloni e dëgjuan këtë, ata po hamendësonin nëse Perëndia e kishte braktisur popullin e Tij përjetë.






Por Perëndia i dha një mesazh
tjetër profetit të Tij. Ai e
drejtoi Ezekielin tek një luginë
me kocka
të


thata - kocka
njerëzore.




"Bir njeriu, a mund të jetojnë këto kocka?", e pyeti Perëndia Ezekielin. "O Zot, Perëndi, Ti e di", u përgjigj Ezekieli. Sigurisht, kockat e thata nuk mund të jetojnë përsëri; apo jo?




Perëndia tha, "Profetizoju këtyre kockave,
dhe thuaju 'O kocka të thata, dëgjojeni zërin e
PERËNDISË! Ju do të jetoni'". Pasi Ezekieli tha
ato fjalë, ai filloi të dëgjojë një zhurmë
kërcëllitëse. Çfarë mendoni ju se
e shkaktoi atë
zhurmë?




Ndërsa profeti po shikonte i mrekulluar, trupat u bashkuan një kockë pas tjetrës.




Pastaj, mishi i mbuloi ato.



Më pas ato u mbuluan nga lëkura, por ende nuk kishte frymë në to.



Perëndia tha, "Profetizo, bir njeriu dhe thuaj 'Eja nga të katër erërat o frymë. Fryj mbi këto që të mund të jetojnë'". Kur Ezeieli bëri kështu, fryma erdhi në to. Ato jetuan dhe qëndruan mbi këmbët e tyre. Tani një ushtri e madhe mbushte luginën.




Perëndia e dinte që Judenjtë në Babiloni ndiheshin të pashpresë kur Jerusalemi u pushtua. Ai dërgoi një mesazh nëpërmjet vizionit të Ezekielit. "Këto kocka janë gjithë shtëpia e Izraelit", tha Perëndia. "Unë do të vendos Frymën Time në ju, dhe do t'ju




çoj në
vandin
tuaj".



Çfarë mesazhi i mrekullueshëm shprehe nga ana e Perëndisë! Premtimet e Perëndisë nëpërmjet Ezekielit u vërtetuan kur më vonë Judenjtë u kthyen në vendin e tyre.



Ata e dinin, që Zoti Perëndia, i kishte sjellë ata përsëri në shtëpi. Fjala e Perëndisë vërtetohet gjithmonë.



Ezekieli: Njeriu i Vizioneve

Një tregim nga Fjala e Perëndisë, Bibla


e marrë nga

Ezekmielit 1-37

“Zbulimi i fjalëve të tua ndriçon dhe u
jep mendje njerëzve të thjeshtë.”

Psalmet 119:130





| 29

||||| 60



Ky tregim nga Bibla na tregon për Perëndinë tonë të
mrekullueshëm i cili na krijoi dhe dëshiron që
ne ta njohim Atë.

Perëndia e di që ne kemi bërë gjëra të këqija, të cilat Ai i quan
mëkate. Dënimi për mëkatin është vdekja, por Perëndia ju do juve
aq shumë sa që dërgoi Birin e Tij të vetëm, Jezusin, që të vdesë në
Kryq dhe të dënohet për mëkatet tuaja. Pastaj Jezusi u ringjall
dhe u ngrit lart në Qiell! Nëse beson në Jezusin dhe i kërkon Atij
të t'i falë mëkatet e tua, Ai do ta bëj atë! Ai do të vijë dhe do të
jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu:
Jezus i dashur, unë besoj se Ti je Perëndia i bërë njeri për të
vdekur për mëkatet e mia, dhe që Ti u ngjalle sërish. Të lutem,
eja në jetën time dhe fali mëkatet e mia, në mënyrë që unë të kem
jetë të re dhe një ditë të jem me Ty, përgjithmonë. Më ndihmo,
të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16

